

Ekainaren 30ean
URTEAN ZEHARREKO 13. IGANDEA

Agurra

Aintza eta ospea zor diogu Jaunari! Bere bakea izan bedi zuekin.

Sarrerako oharpena

Jauna gure artean da egiaz. Bere bizitza eta hitza deigarri dira guretzat. Kristori jarraitzeko gogoz, Haren Ebanjelioa onartzeko asmoz eta Ebanjelio horretan seme-alaben askatasun osoa aurkitzeko pozez bildu gara: askatzaile gerta dakigula Berri Ona.

Damu-otoitza

Senideok: Jainkoaren hitza entzun eta gure salbamenaren oroigarria behar bezala ospatzeko, presta ditzagun gogo-bihotzak, Jaunaren errukia eskatuz.

—Jesus Jauna, Zu zara guretzat Aitarenganako bidea: erruki, Jauna.

—Jesus Jauna, Zu zara gure ilunpeak argitzen dituen egia: Kristo, erruki.

—Jesus Jauna, Zu zara mundua berritzen duen bizia: Erruki, Jauna.

Erruki dakigula Jainko guztiz ahaltsua, eta, gure bekatuak barkaturik, eraman gaitzala betiko bizitzara

Otoitza

**Jaunko Jauna,
 zure seme-alabatzat hartuz, argiaren seme-alaba egin gaituzu;
 iguzu, ez gaitzala inguratu gezurraren ilunbeak,
 eta zure egiaren argi ederrean bizi gaitzela beti.**

**Zure Seme Jesu Kristo gure Jaunaren bitartez,
Zurekin eta Espiritu Santuarekin batean
Jainko eta Errege bizi baita gizaldi eta gizaldietan.**

Hitzaren liturgiari oharpena

Historian zehar, Jainkoak gizaki batzuk aukeratu ditu bereziki bere izenean bidaltzeko. Gero Jesusekin gertatu zen bezala, Itun Zaharrean ere garbi entzuten da Jainkoaren deia, erantzun libre eta benetakoa espero duen deia. Entzun dezagun!

Lehenengo irakurgaia (1 Erg 19, 16b, 19-21)

Erregeen liburutik

Egun haietan, Jaunak honela esan zion Eliasi: «Zure ondorengo profeta bezala gantzutu ezazu Eliseo, Safaten semea, Abel-Mejolakoa».

Joan zen, bada, Elias menditik, eta Eliseo, Safaten semea, goldean aurkitu zuen; hamabi idi-pare aurrean, berak hamabigarrena zeramala. Ondotik igaro zen Elias, eta bere soingainekoa bota zion bizkarrera. Eliseok, utzi zituen idiak, eta Eliasengana lasterka joan zen eta esan zion: «Arren, utzidazu aitari eta amari muin ematera joaten, eta jarraituko dizut orduan». Eliasek esan zion: «Zoaz, eta etorri. Badakizu zer egin dizudan».

Bihurtu zen Eliseo; eta idi-parea hartu eta oparitan hil zuen; uztarri eta lan tresnekin su egin, haragia erre eta bere jendeari jaten eman zion. Gero, jaiki eta Eliasi jarraitu zion, eta haren esanera jarri zen.

Erantzun-salmoa (Sal 15, 1-2a eta 5. 7-8. 9-10. 11)



Zu zai - tut, Jau - na, on - da - su - na.



Zaindu nazazu, Jauna,
 babes bila bainator Zugana.
 Honela diotsot Jaunari: «Zu zaitut neure jabe»; ‘
 Jauna da nire ondare eta edontzia;
 Zuk daukazu eskuetan nire zoria. R/.

Onesten dut Jauna, aholku eman didalako,
 gauetz ere neure bihotzak oharrarazten nauelako.
 Begi aurrean ipintzen dut beti Jauna;
 eskuinean daukadala, ez naiteke dardara. R/.

Horregatik alai daukat bihotza, pozik barrena,
 haragi honek ere bakean du atsedena.
 Ez baituzu nire bizia Leizera egotziko,
 eta zure zintzoa ustelak hartzen utziko. R/.

Bigarren irakurgaia (Ga 5, 1. 13-18)

San Paulo Apostoluak Galaziarrei

Senideok: Askatasunean bizitzeko askatu gaitu Kristok; irauzue, beraz, sendo, eta ez sartu berriro morrontz uztarpean.

Zuek, ene senideok, askatasunera deituak izan zarete; baina ez bekizue izan askatasun hori norberekoikeriarako; baizik eta maitasunez izan zaitzete elkarren zerbitzari. Lege osoa agindu bakar honetan dago betea: «Maita ezazu zeure lagunurkoa, zeure burua bezala». Baina elkarri hozka egiten eta elkar jaten bazabiltzate, azkenik batak bestea desegingo duzue.

Hau diotsuet: ibil zaitzete Espirituari dagokionez, eta ez dituzue beteko haragiaren irrutsak. Haragiak Espirituaren aurka irrikatzen

baitu; eta Espirituak, haragiaren aurka. Bi horiek elkarren aurka dabilta; horregatik, ez duzue nahi zenuketena egiten. Espirituak eragiten badizue, ordea, ez zaudete Legepean.

Aleluia (*1 Sm 3, 9; Jn 6, 69b*)

A - le - lu - ia, a - le - lu - ia.

Mintza, Jauna: zure morroi hau entzuten dago.

Zuk dauzkazu betiko biziaren hitzak. R/.

Ebanjelioa (*Lk 9, 51-62*)

Homiliarako argibideak

Atzera begiratzen duena ez da gai Jainkoaren Erreinurako

Orain dela ez urte asko, langileak bere soldataren, ordutegiaren eta oporren inguruko desioak adieraz zitzakeen lan-kontratu bat sinatzeko orduan. Gaur egun, ordea, ez zaio inori halakorik galdetzen; lana ematen duenak zehazten du hori guztia, eta esker onekoa izan behar duzu, gainera. Euren kontura lan egiten dutenek lan jakin bategatik kobratzen dutena ezartzen dute, oraindik, baina horrek ez du esan nahi emango diotenik. Ez bagaitu konbentzitzen, merkeagoa bilatzen dugu. Jesusek ikusmin handia piztu zuen bere garaian, eta falta izan **probetxu ateratzeko** elkartu zitzaion jenderik. Askok, baina, aho bete hortz utzi zituen Jesusek, bere jarraitzaileak Berak aukeratzen zituela eta baldintzak Berak jartzen zituela erakutsita. Hark egiten du deia eta baldintzarik gabeko erantzuna eskatzen du.

Jesusi jarraitzeko giza proiektuan, bat ezin da ekintzaile izan. Hautatua izatea predilekzio seinale da, Jesusen maitasunaren seinale. Horregatik, poza da jarraipena. Ezaugarriek eta prestakuntzak gutxi balio dute. Jesusen deia egiten du, eta ez du uzten baldintzarik jartzen. Horiek ez dute horrenbeste zerikusirik egin beharreko lanarekin, jarraitu beharreko bizimoduarekin baizik. Jesusen jarraitzaile izatea ez da horrenbeste gauzak egitea, izateko, bizitzeko, jokatzeko, mundua ikusteko modu bat baizik. Erreinua **kristau maitasunaren** bidez presente egitea kontua. Gainerako metodo guztiak sunsitzailak izan daitezke (Ga 4, 31-5, 13-18).

Ikasleek pentsa dezakete Jainkoaren Erreinua eta justizia edozein preziotan ezartzea dela kontua, baita Jainkoaren suarekin ere. Jesusek ez du Santiagori eta Juani errieta egin beste erremediorik, bestelakoan handinahiak direnei, baliabideak eta metodoak bilatzeko orduan eskrupulu gutxi dituztenei. Jesusek ez ditu onez-onez onartzen bat-batean berarekin joan nahi dutenak ere (Lk 9, 51-61). Euren proiektu propioarekin doazen pertsona eskuzabal eta asmo onekoei, Jesusek ikusarazten die Berak bakarrik jar ditzakeela baldintzak, eta ez bere jarraitzaile izan nahi dutenek. Inork Jesusi jarraitzeak **onura materialak** ekarriko dizkiola pentsa ez dezan, taldeak bizi dituen muturreko baldintzak jartzen ditu Jesusek pertsonaren aurrean. Bizitza ibiltaria da, egurats zabalean. Ez dago aterpe iraunkorrik, animaliek ere halakorik eduki arren.

Jesusi jarraitzeak betebeharrak sakratuenetatik libratzen duela dirudi, gurasoei lur ematek, adibidez. Berrikuntza dakar Jesusek, ordea: bizitzaren erreinuan kokatzen du pertsona; beraz, bat ezin da hildakoei lur emateaz arduratu. Beste batzuk arduratuko dira horiez. Ikaslea **Erreinua iragartzera** deituta dago, eta ezin du denbora beste ekintzetan galdu, oso sakratuak ematen badute ere.

Erreinuaren etorrerak balio guztiak erlatibizatzea dakar, baita sakratuenak ere. Jesusek eta lehen kristauek ongi dakite familia bezalako errealitate horiek, horrenbeste sakralizatzen ditugunak, oztopo izan daitezkeela fedearantzat eta hari jarraitzeko. Familiari agur esatea pentsatzea bakarrik, horrekin ongi geratzeko, atzera begira jarraitzea da, **iraganera**. Pertsona mota horrek ez du Jainkoaren Erreinurako balio. Fededunak datorren Erreinuaren etorkizunera begiratzen du, ez da atzean utziaz kezkatzen.

Esajeratua dirudi honek guztiak, baina Jainkoaren Erreinoa ezeri uko egin gabe lor daitekeen “grazia merke” ez bihurtzeko modu bakarra da. Eliseok bezala egin behar da, berehala obeditu, baten duena sakrifikatu eta bati tokatu zaion loteriagatik, Erreinuaren zerbitzura deitua izanagatik, bankete bat ospatu (*1 Erg 19, 16-21*). Eukaristiaren ospakizunak Kristoren atzetik jarraitzera eta Jainkoaren etorkizunera eraman gaitzala, berriz atzera begiratu gabe.

Jainkoaren herriaren otoitza

Eska diezaiogun Jaunari, senideok, entzun ditzala konfiantzaz eta pozez egiten dizkiogun otoitzak:

- Eska diezaiogun Kristo Jaunari bere bizitza Jaunaren zerbitzura sagaratu duten Eliz zerbitzarien alde eta egiatzko Jainkoa gurtzen duten herri guztien alde. Eska diezaiogun Jaunari.
- Eska diezaiogun mundua jakinduriaz gobernatzen duen Jainkoari gu guztion alde, mundua eta natura bereziki arretaz eta esker onez zaindu dezagun. Eska diezaiogun Jaunari.
- Eska diezaiogun Jainko errukitsuari giza ahultasunaren, gorrotoaren eta enbidiaren sareetan lotuta bizi diren guztien alde. Eska diezaiogun Jaunari.

—Eska diezaiogun Jaunari batak bestearen alde, jar dezagun gure bititza Beraren eskuetan eta egiogun otoitz uste onez gauza guztien Egile eta Nagusi denari. Eska diezaiogun Jaunari.

Zure sakramentuak ospatzera biltzen gaituzun Jauna, entzun gure otoitzak eta zaindu ezazu gure askatasuna Zure maitasunaren indarrez, senideekiko zerbitzu apalean Kristoganako gure leialtasuna gorde dezagun. Errege bizi baita gizaldi eta gizaldietan.

Jaunartze-ondorengo otoitza

**Eskaini eta hartu dugun opariak
eman diezagula bizia, Jauna:
maitasunean beti Zurekin bat eginik,
fruitu iraunkorrak ekar ditzagun.
Jesu Kristo gure Jaunaren bitartez.**